

## 22. REINE MER

Un fois comment un bonne fois ti trouve ennan un bonhomme avec un bonne femme zotte ti ennan zotte un quantite z'enfants. Zotte essaye rode la vie lo la terre pour zotte donne zotte s'enfants, mais zotte pas voir du tout la vie lo la terre. Bonhomme y descende bord la mer au bord un hangard y voir un p'tit pirogue qui ti appelle "LA PEAU POULE".

Y prend sa pirogue y pousse dans de l'eau y essaye alle la peche. Y la peche un semaine y pas gagne narien, rien qui un p'tit pikan qui y alle bouille pour li gagne sa de l'eau pour donne son ptiti pour boire. Commencement l'autre semaine y dire la moi essaye alle lillo. Lillo y trempe jusqua cinq heure, y senti son la ligne dure, 18 heure y risse y voir Reine mer y leve son mallioce pour li tape reine mer. Reine mer y dire "Bonhomme avant l'heure ou tape moi leve ou liyeux guette Bon Dieu. Moi donne ou un cheve, ou pas pour vine encore lo la mer. Arrive chez ou dire "Par la vertue mon cheve qui Reine mer ti donne moi mon oule voir tous mon queque choses." Be Compere li y ti ennan un commere qui ti batise son piti. Comment y connais pour dire Compere ine gagne sa cheve, y descend bord la mer y amene un p'tit morceau mange sal, y dire "Compere ou la faim ou fatigue monne amene morceau mange pour ou. Donne moi ou p'tit tante la peche moi amene. Avant Compere y arrive chez li y besoin arrive zote la case Commere avant. Commere y dire li reste dormi. Alors Compere y reste dormi. Commere ti ennan un pitit sougnez y dire avec sa p'tit zenfant prend sa cheve Compere alle mette la bas cote pour nous. Prend sa qui pour nous mette cote Compere. Li jour y arrive Compere y prend son cheve y alle chez li.

En arrivant chez li, y dire avec son z'enfant "Eh Quiller Quiller", y commence "Par la vertus mon cheve qui Reine mer ti donne moi, mon oule voir tous mon queque choses." Zotte comment y dire sa, sa cheve y commence fanne salte lo sa bande z'enfants. Compere y dire. "Be Reine mer demain mon touille li." Enfin Compere y descend encore bord la mer, y pousse la peau poule dans de l'eau, y pagaille un seule coup y arrive lillo, y dire Reine mer auzordi mon touille li.

Compere y la peche jusqu'a cinq heures et demi, y senti son la ligne lourd y guette y voir Reine mer, y leve son malloice pour tape Reine Mer, Reine Mer y dire "Bon homme avant l'heure ou tape moi leve ou li yeux Bon Dieu. Y dire "Bonhomme moi donne ou un p'tit tabatiere ou pas pour vine encore ici. L'heure ou arrive chez ou dire "Par la vertus mon tabatiere qui Reine Mer ti donne moi moi oule voir tous mon queque chose. Enfin Compere y accepter, mais pas besoin oublie Commere y la. Compere y arrive a terre, Commere y dire ecque pauvre Compere "Mon connais ou soif la un p'tit morceau cafe pour ou." Compere y prend y boire. Commere y dire "Donne moi ou tante la peche moi amene." Enfin zotte monte zotte deux. En arrivant cote la cour Compere bien fatigue y tombe y dormi. Comment Commere y appercevoir pour dire Compere ine gagne sommeil, Commere i dire avec sa p'tit fille; "Prend sa tabatiere qui cote Compere mette cote nous, prend pour nous mette cote Compere."

L'heure Compere y leve grand matin y prend son tabatiere y monte la haut chez li. L'heure marmaille avec manman y voir Compere vini, zotte dire "Ah oui, auzordi qui papa pe amene. Hier y ti amene cheve y ti faire salte lo nous," Compere y commence par la vertus mon tabatiere qui Reine mer ti donne moi mon oule voir tous mon queque choses. Zotte mousse y sorti dans tabatiere y commence pique sa bande z'enfant zotte crie "Ayoyo Ayoyo mousse pe pique nous." Compere y dire "Azordi mon pas pour dormi ici dans sa la case, mon pour dormi bord la mer, Compere y descend y dormi en ba l'angar y prend son pirogue LA PEAU POULE y donne juste un coup de pagaille y arrive Lillo. Y la peche jusqu'a six heures du soir y senti son la ligne lourd, y guette y voir Reine Mer. Y leve son Malloice pour tape, mais Reine Mer y dire "Bonhomme avant l'heure ou tape moi leve ou li yeux guette Bon Dieu." Auzordi ou dernier jour ou vine ici bonhomme. "Auzordi moi donne ou un rotin. En arrivant chez ou dire "Par la vertus mon rotin qui Reine Mer ti donne moi mon oule ou voir tous mon queque choses." Alors Compere y prend son rotain et y arrive a terre y voir Commere. Commere y dire "Pauvre Compere mon conne ou soif ou la faim a nous alle dans la cour ou a gagne morceau mange. Y faire pareille l'habitude y prend tante

Compere zotte monte. En arrivant cote li Compere y boire y mange, Commere y dire reste dormi. Vraiment y reste. Avant Compere y gagne sommeil, Commere y dire "Donne moi ou rotin moi ramasse." Compere y dire "Non moi mette li la aubord moi." Commere y dire "Oule parie le rats a mange," Compere y dire "Non laisse li la meme."

Commere y veille comment Compere y gagne sommeil y dire avec sa pitit. "Ou pas conne ou l'ouvrage? Ale prend sa gros rotin qui cote Compere mette cote nous, prend sa qui cote nous mette cote Compere." Comment sa piti y attrappe rotin sa rotin y fouette li un coup. Lo son le bras piti y envoye son la main encore pour la deuxieme fois rotin y batte li encore. Y crie "Ayoyo maman rotin y batte moi." Commere y dire avec son piti, "Ou la faim ou, alle mange la bas dans marmite, moi valle moi meme." Commere y risse son grand jupe y mette lo son robe de chambre, y envoye son la main, rotin y donne li meme, y ecoute l'heure rotin y batte li pour troisieme fois y bouge Compere. Y dire "Sorti dans mon la case alle." Compere y dire avec rotin: "Faire tous ou devoir qui ou ennan pour faire." Zotte rotin y commence batte Commere, rotin y donne li y donne li y donne li jusqu'a son jupe y tombe y dire, Compere moi rende ou ou cheve ou tabatiere ou rotin sorti dans mon la case alle. Commere aussi pour mort acause sa bate. Alors la Compere y prend tous son document; son cheve, son tabatiere et son rotin y monte chez li. En arrivant chez li y dire "Par la vertus mon cheve qui Reine Mer ti donne moi mon oule voir tous mon queque chose. Y voir tous son necessaire arrive devant li. Y ti gagne jusqu's boy et servante. Depuis sa jour Compere y vivre comment un homme riche avec son famille. L'autre jour mon joindre Compere mon dire "Compere faire queque choses, zotte y donne moi un coup son rotin mon vire desuite mon alle.